



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1604

Vita B. Ioannis Climaci Abbatis, ex ea quam Daniel Monachus scriptam reliquit. Claruit non multo post tempora Iustiniani Imp. qui regnauit vsq[ue] ad Annum Domini 565. sub Ioanne Roma. Pontifice.

urn:nbn:de:hbz:466:1-42667

VITAB. IOANNIS CLIMACI ABBA- Vide Caf.
 sis. ex ea quam Daniel Monachus scriptam reliquit. Bar. in nob.
 Claruit non multo post tempora Iustini Imp. qui Mar. Rom.
 regnavit vsq; ad Annum Domini 565. sub Io- Item Anns.
 anne Roma. Pontifice. tom. 7.

Quam virum hunc sanctissimum, & om- 30. Martij.
 nibus pietatis exercitijs mirificè ornatum,
 patria tulerit, nullis literarum monumen-
 tis scriptum inuenitur; nisi quòd præclaris ad-
 modum operibus cælestem illam Hierusalem,
 veram sibi patriam esse egregiè declarauerit.
 Nam vt primum per ætatem ad sanctissima spiri-
 tualis vitæ arma sumenda idoneus fuit, omnibus
 mundi huius ludibrijs calcatis, anno ætatis suæ
 sextodecimo, in monte Sina arctissimis monasti- Anno sta-
 cæ vitæ disciplinis se tradidit; & decem ac nonem tis suæ 16. fit
 annis continuis, sub grani obedientiæ iugo, cupi- monachus,
 ditatibus suis tam sæuum bellum indixit, vt an-
 gelicam libertatem adeptus esse videretur. Post-
 quam verò spiritualis eius parens, mortalitatis
 vinculis solutus, ad Christum migrasset, perfectio-
 nis vitæ desiderio flagrans, in interiora deserti lo- Fit snacke-
 ca se recepit, exstructoque quinto ab ecclesia la- reta.
 pide vili palestræ suæ domicilio, (is locus Tholas
 vocabatur) certamen contra callidi serpentis in-
 fidias aggressus est, tanta virtute ac animi magni-
 tudine, vt annos quadraginta in acie perstiterit, &
 assiduos hostium insultus egregiè sustinuerit. Anns qua-
 Quamquam verò soli Deo (cui ab omni hominū draginta vi-
 conspectu remotus militabat) certamina eius co- xit in ere-
 gnita sint, tamen ex quibusdam eius primitijs & mo solus.
 leuioribus cum hoste congressibus, arduum vitæ
 eius institutum facilè colligere possumus.

Zxx 5

Et



UNIVERSITÄTS-
 BIBLIOTHEK
 PADERBORN

Et quidem quod ad victus parimoniam attinet, superuacaneum puto de ea verba facere, cum ita gulæ rabiem semper extinxerit, ut nunquam eius cupiditati plenè satisfecerit. Omnibus tamen, quibus per professionis votum licebat, libere vesceretur, sed adeo parcè ac modicè, ut magis spiritum fouere, quàm corpus nutrire videretur. De reliquis animæ pestibus, nihil attinet dicere, cum ille eas misericordia Dei & assidua pietatis ac virtutum omnium exercitatione superauerit.

**Exercitium
pium ac lau-
dabile, con-
tra accidiam.**

Orationis studium sine intermissione colebat, & ne aliquandò inertia vel torpore vinceretur, libellos etiam conscribere solitus erat.

Porro quanto virtutum omnium splendore claruerit, plenius ex eius, quæ nobis reliquit, ingenij sui monumentis cognoscere licet. Neque enim putandum est, quòd soli sibi suæque tantum salutis prospexerit, immò plurimos à flagitijs auocauit, & innumerabilem multitudinem, adeo diuini amoris facibus inflammavit, ut libenter omnibus vitæ huius delicijs despectis, sese in sacram solitudinem recluserint, & angelicam in humana carne puritatem sectati fuerint. Et sanè si quis clariùs diuinam animæ illius effigiem perspicere, & admirandam discipulorum eius sanctitatè, quam ex sacro illius pectore hauriebant, cognoscere velit, is scripta eius legat, & inueniet, tantum pro dignitate meritoque virum, nullis præconijs dignè satis extolli posse.

**Plurimos à
vitijs auo-
cauit.**

**Præclara ei
scripta.**

Sed ut cognosci possit, nihil esse tam sanctum, nihil tam sincerum, quòd obtrectatorum ac malignorum hominum calumnias euadere possit, non sunt veriti, homines quidam inuidiæ facibus inflammati, sanctissimum vitæ eius institutù carere, & illum tanquam hominem nugacem, ac loqua-

**Obtrectato-
res patitur
vir sanctus.**

loquacem apud omnes passim traducere. Cum enim vir sanctissimus, omnium salutem diuini verbi prædicatione promouere cuperet, & quotidie ad se venientes admirabili quadam sermonis suavitate exciperet, omnibusq; doctrinæ suæ fluentia largissimè profunderet, quidam summa vi tantam frugem impedire conati sunt. Quod ille animaduertens, vt impijs illorum conatibus prudenter occurreret, sese aliquamdiu ab illo pietatis officio continuit, ac mellissimum doctrinæ suæ fluentum compescuit; donec ipsi propriae salutis detrimento prouocati, suum ipsorum errorem agnoscerent, & diuturnum ipsius silentiū molestè ferrent. Tum verò vir sanctus, ad intermissum docendi munus rediens, tardos torpescetesq; mortalium animos, ad eò excellenter ardentissimum rerum immortalium studium excitauit, vt eum omnes velut alterum Mosen intuētes, communi fratrum omnium regimini frustra reluctantem præfecerint. Quod sanè munus quanta virtutum omnium excellentia administrauerit, testes sunt eius discipuli, qui ex eius disciplina innumerabiles, omnibus religionis ac sanctitatis laudibus ornati, prodierunt.

Creatur Abbas.

VITA S. GUIDONIS CONFESSORIS.

Cuius ossa, hodieq; inter se coherentia cernuntur Spiræ, quò translata sunt ab Henrico 3. anno Christi 1047. ex ea quæ est apud R. P. L. Sm.

Obijt anno 1046.

Beatissimus Guido nobilibus, ac religione ^{31. Martij.} idmodum Christianis ortus patribus, patriam habuit Rauennam: in cuius villa suburbana (quæ Casamariensis dicitur) natus est, ^{Patria & parentes eius.}

118